


# Mahlagahlaga a ka lewatle



SEPEDI

Kgato  
ya:

1

Puku ya

2



# Go bala ka sehlopha ga go hlahlwa

## Pele o bala

- Phetlolla matlakala a kanegelo yeo ba tliego go e bala. Boledišanang ka ga diswantšho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantšho.
- Hlagiša mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagiša tloltlontšu ye mpsha (lebelela lenaneo la tloltlontšu ye mpsha kua bokagareng bja letlakala la mafelelo la khabara.

## Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo yo mongwe le yo mongwe gore a balele karolo ye nngwe ya sengwalwa godimo

## Ditherišano

- Botšiša dipotšišo tša tekatlhao loganyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

## Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tloltlontšu.
- E re barutwana ba ngwale mešongwana ya dihllopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)



E re barutwana ba diragatše diteng  
tša sengwalwa ge go kgonega.



Barutwana ba swanetše go dira mešongwana  
ye e theilwego godimo ga go bala ka dihllopha  
ka morago ga ge ba badile. E re barutwana  
ba šome ka dihllopha go ngwala mešongwana  
ya maleba ya go bala ka dihllopha yeo e lego  
kua mafelelong a puku. Ba se ke ba ngwala  
ka pukung ye. Mešongwana ya go ngwalwa e  
swanetše go ngwalwa ka dipukung tša bona tša  
go ngwalela.

# Mahlagahlaga a ka lewatle



Sam, Reabetšwe, Ann le Mohammed ke bana ba mahlagahлага. Ba rata go namela dithaba, go thutha ka letamong ba bile ba rata le go thinya ka lewatle.

Ka letšatši le lengwe ba ile ba tšeа leetowatle gore ba bone lefase.


"Etlang re lebelele mmepe gore re bone fao re ka nyago gona ka sekepe," gwa realo Reabetšwe.



Ba pakile dilo tše di latelago ka  
go mekotlana ya go belegwa:  
mmepe, khamphase, thipa ya potla,  
mekotla ye mene ya go robala,  
thotšhe, khamera le dijo tše di  
lekanyeditšwego kgwedi.

"Re se ke ra lebala dipaki tša rena tša  
go phološa," gwa realo Sam.

Ge dilo ka moka di pakilwe, go bile go  
tletše lethabo, bana ba ile ba tloga,  
ba sesa, ge letšatši le sobela.



Ba sepetše, maphoto a dutše a eya  
godimo le tlase. Ba sesile, ba dira bjalo  
gare ga bošego.


E be e le bošego bja matlakadibe.  
Phefo e ile ya golola, gomme maphoto  
a gašagana, a tšitla sekepe.



Mohammed o bone lesedi le  
panyapanya kua kgole. O ile a tšea  
thelesekoupu gomme a namela, a ba  
a fihla sehlageng sa legokobu, gore a  
kgone go bona sekepe  
selā se sengwe.

"Na e ka ba bomang?" gwa  
botšiša Ann.

"E ka ba sekepe sa sehlopha goba,  
mohlomongwe e ka ba sekepe  
sa merwalo," Sam a  
realo.





Sekepe se ile sa batamela, sa batamela. Go be go na le banna ba mmalwa ka sekepeng. Bana ba ile ba tšhoga kudu ge ba bona gore batho bao ba bonagala ba le ba babjang.

“Hlokomelang! Ke bahlakodiwatle/ diphaerete!” Reabetšwe a goelela.

“Bahlakodiwatle ke eng?”  
Mohammed a botšiša.

“Ke mahodu, gomme ba utswa dithoto tša bathadiši,” Reabetšwe a realo.



“A re itokišetšeng go lwa le  
bahlakodiwatle bošego bja lehono,”  
Reabetšwe a realo.

Ka ntle le go fšega, bana ba itlhama  
ka disabola tša go bapala tšeо  
batswadi ba bona ba ba filego tšona  
ka matšatši a matswalo a bona.

“Mokapotene Sam o re etile pele!  
Re tlile go fela re latela mohlala wa  
gagwe!” gwa goelela Mohammed,  
Ann le Reabetšwe.



"Bahlakodiwatle, tlogang!" bana ba goelela.

"Mohammed, bitša sehlopha sa go phološa!" Mokapotene Sam a laela.

Gona fao, bana ba ile ba napa ba kwa modumo wa helikoptere ya go phološa. Bana ba ile ba hemela godimo go laetša go imologa ge bahulawatle ba retološa sekepe sa bona ka pela ba tšhaba, ba timelela leswiswing la bošego.

Mokapotene Sam o ba phološitše!



"Šatee!" bana ba goelela ka lethabo.  
"Re phologile! Bahulawatle ba ile!"

"Mokapotene Sam ke mogale wa ren!  
Ge a le gona, kotsi ga e be gona!" gwa  
golela bana.

Gonabjale gona masa a šetše a  
batametše. Ledimo le be le homotše.  
Kotsi e be e fetile.

Bana ba ile ba tšwela pela ka leeto  
la bona. Ba be ba thabetše gore ba  
tlile go tšwela pele ka go thala gape  
gomme ba hlohlomiša le go nyakisiša  
karolo ya lefase yeo ba sa e tsebego.




Ba ile ba thala go tloga Leboa go ya  
Borwa gomme ba gahlana le bana  
ba go tšwa dinageng tša go fapanan  
lefaseng ka moka.

Ge ba boetše magaeng a bona, ba  
ile ba anega dikanegelo tša bona le  
go bontšha batswadi le bagwera ba  
bona diswantšho tšeо ba di tšerego.

Ba bile le bohlagahlaga bjo ba ka  
se kego ba tsoga ba bo lebetše le  
gatee!

Ka mehla ge go na le seo  
o se boifago, ke gona fao o  
nago le sebaka sa gore o BE  
BOGALE!





# Bana ba lefase

Lebelela diswantšho tše gomme o bone gore bana  
ba ba tšwa dinageng dife.







# Mešongwana ya go bala ka sehlopha




1

- Botša mogwera wa gago gore o ratile kanegelo ye goba aowa. Efa lebaka la karabo ya gago.
- Dira tše ekego ke wena Mokapotene Sam. Na o ka be o dirile eng?
- Akanya gore helikoptere ya go phološa ga se ya tla. Naa o nagana gore go ka be go diregile eng?
- Naa o nagana gore kanegelo ye ke nnete? Efa lebaka la karabo ya gago.



2

Lebelela diswantšho tše tše 2. Nagana ka dipotšišo tše di latelago gomme o boledišane le mogwera wa gago ka ga dikarabo tše gago.



- a. Go diragala eng seswantšong se sengwe le se sengwe?
- b. Naa o nagana gore bana ba bile le maikutlo a mohuta mang ge ba itokišetša leeto la bona?
- c. Naa o nagana gore ba bile le maikutlo a mohuta mang ge ba bona bahulawatle?
- d. Naa o kile wa ba le maikutlo a lethabo le maikutlo a go boifa? Ke eng seo se diragetšego?



### 3

Feleletša mošongwana wo.

- a. Hwetša mantšu mo kanegelong ao a thomago ka medumo ye e latelago gomme o a ngwale ka pukung ya gago ya go ngwalela:

**th-** **tšw -**

- b. Hwetša mantšu mo kanegelong ao a felelagoo ka medumo ye gomme o a ngwale ka pukung ya gago ya go ngwalela:

**-ša** **-ng** **-tše**

- c. Hwetša mantšu ao a nago le medumo ye e latelago mo kanegelong, gomme o a ngwale:

**oe** **ou** **ea** **ny** **tšh** **kgw** **kh** **gw** **tl**

- d. Ngwala mantšu ao a nago le modumo **kh** a maadingwa go tšwa mo kanegelong gomme o a ngwale.

- e. Ngwala mantšu a a latelago, ka go pukuntšu ya gago.

**sesa** **leboa** **retološa** **bahlakodiwatle** **khamphase**

- f. Feleletša mafofo a, ka go šomiša matlema.

i. **Ba ile ba tšea leeto \_\_\_\_\_ sekepe.**

ii. **Bana ba ile ba thušwa \_\_\_\_\_ helikoptere ya go phoša.**

g. Ngwalolla mafoko a a latelago ka lebjale.

i. Phefo e be e foka.

ii. Ba be ba swanetše go ba le eng?

h. Ngwalolla mafoko a a latelago gomme o ngwale maswaodikga, mo go swanetšeego.

i. ba nyaka eng

ii. hlokomela

iii. sam reabetšwe ann le mohammed ke bagwera



4

Šoma le mogwera wa gago gomme le arabe dipotšišo tše:

- a. Efa hlogo ya kanegelo.
- b. Baanegwathwadi ke bomang mo kanegelong?
- c. Kanegelo e diragala kae?
- d. Na o nagana gore matšatši a lehono go sa na le mahoduwatle?
- e. Go ya ka kgopolو ya gago, go bolokegile gore bana ba tsee maeto ba le noši?

Efa lebaka la karabo ya gago.



5

Akaretša kanegelo ka mantšu a gago.

Ngwala temana ya mafoko a 8.


Thala seswantšho go hlaloša kakaretšo ya gago.



6

Dira mmotlolo wa khampahse/tšupakhutlo go laetša dikhutlo tše nne.

**Leboa, Borwa, Bohlabela  
le Bodikela.**



# LELEME LA GAE MPHATO WA 3



Puku ya 2

|                             |   |
|-----------------------------|---|
| Hlogo:                      | Mahlagahlaga a ka lewatle   |
| Leleme:                     | Sepedi  |
| Kgato ya:                   | Leleme la gae la Mphato wa 3<br>Kgato ya   Puku ya 2  |
| Mohuta wa sengwalwa:        | Kanegelo  |
| Mantšu a tlwaelo:           | bana, tšeа, bona, lekane, kgahlanong, kgonà, mantšiboa, seketswana, meetse  |
| Tlotlontšu:                 | leeto, khamphase, paki, tshireletšo, theleskoupu, sehлага, bahlakodi, lla, helikoptere, boifa   |
| Medumo:                     | th, tsw, tšw, tsh, tšh, š, ea, aa, oo, ou, ai le u.   |
| Diteng, marel le mabokgoni: | <ul style="list-style-type: none"><li>▪ Go ntšha maikutlo ka ga kanegelo.</li><li>▪ Go hwetša seo se hlolago go kgakgana le dipolo tša gona.</li><li>▪ Go ahlaahla, go bapetša le bona diphapano mabapi le tshedimošo ye e tšwelelago ka go kanegelo.</li><li>▪ Go hwetša mantšu mo kanegelong ao a nago le medumo ye e latelago: th, tsw, tšw, tsh, tšh, š, ea, aa, oo, ou, ai le u.</li><li>▪ Go ngwala mantšu ka go pukuntšu ya mong.</li><li>▪ Go feleletša mafoko ka go ngwala matlema.</li><li>▪ Go ngwalolla mafoko ka lebaka la lebjale.</li><li>▪ Go ngwala maswaodikga mo mafokong.</li><li>▪ Go akaretša kanegelo (temana e I, mafoko a 8)</li><li>▪ Go thala khamphase.</li></ul> |

**SEPHOLEKE (CAPS)** se nyaka gore barutiši ba bee nako ka thoko letšatši ka letšatši go bala ka sehlopha se se itšego sa go hlahlwa.

Go bala ka sehlopha sa go hlahlwa go nyaka gore barutwana bao ba lego maemong a go lekana ka go bala ba bale sengwalwa sa go swana, ka dihlopha ka tlhahlo ya morutiši.

Morutiši o swanetše go beakanya paka ya go bala gore e akaretše mekgwana ya go bala go ya ka go bala ka go bona mantšu le difoneme le ya kweššo yeo barutwana ba tla e hlokago ge ba bala.

Gape mekgwana ye ya go bala e nyaka gore go be "go bolelwa ka sengwalwa" magare ga morutiši le bana gape le magare ga barutwana mo seholpheng.

Dipuku tše di akaretša 'go bolela ka sengwalwa' tekatlhao loganyo le mešongwana ye mengwe ya go thuša barutiši gore ba kgone go hlahlha go bala ka sehlopha ka diphapošing tše bona.

ISBN 978-1-4315-2509-6



9 781431 525096



ISBN 978-1-4315-2509-6

**THIS BOOK MAY NOT  
BE SOLD.**



**basic education**

Department:  
Basic Education  
**REPUBLIC OF SOUTH AFRICA**

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dipuku tše dingwe tše  
Leleme la gae tše Mphato  
wa 3. Rakeng ya dipuku:



**Mmutla Ramahlajana o jeletša  
Morena Sejato**

**Mahlagahlaga a ka lewatle**

**Lethabo la ka khitšhing**

**Pukutšatši ya ngwana  
wa go ngongorega**



**Mahlatse a magolo**

**Lehono Maphoko ga se  
a hlwa gabotse**

**Mafelelo a beke ao nka  
se a lebalego**



**Go na le kgokomodumo ka  
khapotong ya ka**

**Taba ya dikuku tše  
di timetšego**

**Go a makatša, eupša ke nnete**